

EPICEDIA

Execvviis, ultimoq; honori

*VIRI Humanissimi & Literatissimi*

DN. MICHAELIS  
CALSOVII,


Gryphiswaldiæ ad D. Mariæ Ministri, & ibi-  
dem patriæ Scholæ collaboratoris  
qvondam fidelissimi,

*Qui*

*10. Decemb inter 5. & 6. horam vespertinam*  
*piè & placide in JESU CHRISTO obdormivit,*  
*& 18. ejusdem in eade Mar. sepultus,*

à

Condolentibus Amicis consecrata.



GRYPHISWALDIÆ,

Literis Viduæ B. Jac. Jegeri 1657. impressa.



**N**ulla bonis igitur post ultima funera restant  
Præmia? nulla piis merces? non ulla relicta est  
Post miseram hanc vitam melior, super æthe-  
In cineres abeunt unà pietasq; laborq;? (re, vita?  
Non ita. Sed restat sua merces, præmia, vita,  
Pro meriti ratione piis, si tradita cælo,  
Dicta DEI meruere fidem, prædictaq; vatum.  
Quis neget ergò tibi post mortem, præmia cælo  
Parta dari, meritisq; tuis æterna referri  
Munera, quæ sudor, virtus pietasq; reposcit,  
CALSOVI dilecte DEO dilecte Choroq;.  
Hinc citius terris ereptus es, ut super alto  
Commoda percipias, jam sine carentia, cælo.  
Lætitiámq; capis, quam nulla molestia, nullæ  
Afficiunt clades, luctu tibi parta laborum.  
Alma quies, tibi lux demtis, micat orta, tenebris.

*In ult. bon. f.*

M. Joachimus Rhaw.

---

**H**icce dies decimus quartus, (quam Vita caduca!)  
Tuus labor sacer ultimus;  
Cum sermone sacro à me habito, tu voce canorâ  
Ecclesiam dimitteres:  
*Festina Domine O Festina, æquissime Judex*  
*Vultum tueri da tuum,*  
Redderis en Voti Compos, Virtute Beate,  
Nos inter omnes protinus:  
Mox Corruptus enim morbo, qui debile Corpus  
Mortui beatæ tradidit.  
*Festinans ergò venit DOMINUS, faciemq;*  
*Tibi dedit tui suam.*

M. Jacobus Balthazaris,  
Eccles. Mar.





**D**E fece atque luto putet Alcinoiꝫ; Sodales  
Nos mundus mordax, qui condimur Aonis um-  
Pulvere qui Scholico foedamur nocte dieꝫ; (brâ,  
Mustea sunt verba, & Vervecum nata sub aura  
In DOMINI illustres oculis, optataꝫ; turba  
Audimus, mundo lucemꝫ; facemꝫ; ferentes.

Talis eras quondam CALSOVI, turba tenella,  
A quo percepit Scholici rudimenta laboris  
Oscine felici, Patrum plaudente caterva,  
Hinc cœlo investus splendens novus incola cœli,  
Phœbi ceu lampas mediæ in vertigine lucis.

Ultimis honoribus suavissimi Compatriſ,  
fidissimi pubis Formatoris ponebat

M. Barachias Spradlerus,  
Rector Scholæ Senatoriæ.

---

Piè defunctus Pater Natos Natasꝫ;  
consolatun sequentibus.

**C**ur fletis Nati? cur ab omnibus esse relictos  
Dicitis? ille DEUS qui nescit linguere,  
quonquam

(Si modò sit pius) is quoque vos non deseret un-  
quam.

Sistite jam fletum, fletu non fata moventur,  
Nec maneo, nihil & me tristia dicta retardent,  
Nec cuperem, innumeris quia vita est plena pe-  
riculis.

Anne videtis, Mars nunc huc nunc aestuat illuc,  
Et locus est nullus, qui non sit sanguine, bello,







Gratulor hanc requiem superant quæ pignora  
chara

Proteget hæc summi dextera fida Patris.

*Hiscæ paucis pie defuncto amico suo dilectissi-  
mo æternam requiem gratulatur, mæ-  
storq; solatur*

M. Johannes Stein / Schol.  
Con-Rector.

---

**E**st facilis Tibi JOVA, opis & nullius egentem  
Prestat fortunam, dissimilemq; meæ.  
Ex undis tumidis, mi Compater, enavisit,  
Et scopulæ curas effugis ancipites.  
Tandem cales habes nitidus nitida otia cœli;  
Otia sunt nostræ pulverulenta Scholæ.

Dn. Compatri securum otium gratul. & su-  
perstitibus solatium precatus

S.

Jacobus Prillewitz,  
Sch. Gryphisw. Cantor.

---

**E**ffertor ædibus suis CALSOVIUS,  
nôrat juventam qui formare litteris  
& moribus, (grati Bonis queis reddimus)  
Rebusq; sacris, atq; sacris sedulus  
Præconibus sese probare siveverat.  
Sed sæpius vulgus profanum, aut turgidi  
nequissimô fastu solent contemnere  
utrumq; munus hoc, perinde ac si leve  
& æstimandum semper algâ vilius.  
Errant at illi, Dignitate nam suâ  
usuq; pollet munus, Euge! non leve est



nec vile munus, ductilem Puertiam  
doctas per artes fingere ad recti decus.  
Nūm spreveris, si spes Parentum, Civium  
si certa proles & novella, Patriæ  
nascens honor, segesq; læta Posterum  
fidei tuæ, tuæq; curæ creditur?  
Nūm spreveris, si tu DEO gratum queas  
præstare munus publicum sacro in choro,  
expectorat suave qui melos suum?  
Judex iniquus carpit hæc, quæ non capit.  
At pro virili parte patriam juvans,  
ornansq;, cui præfectus est, spartam suam,  
beatus exit, cum DEUS illum evocat,  
salutis atq; arcem jubet conscendere.  
Viduata conjux Conjugem quin desine,  
Vos Liberi & nimis Parentem abfistite  
nil profuturis exequi ejulatus!

L. M. Q. apposuit

DAVID HARDERUS,  
Gryphiswaldensis.

---

O funesta dies, nigro signanda lapillo!  
Quæ me tam subito Fratrem dimittere cogit,  
Et renovat luctum, refecat quoque vulnera prisca.  
Annus præteriit Genitor cum fata subibat,  
Et nos, nos in luctum præcipitabat acerbum,  
Huic superato alium tentat superaddere luctum.  
O funesta dies, nigro signanda lapillo!  
Vos lugete, quibus sunt & sua funera cordi!  
Atque rudis mecum lugeto Scholastica turba!  
Laudandâ vivus quam dexteritate docebat.  
Vos reliqui Gnati mecum Gnataq;, dolete!  
Nunc etenim cecidit vobis Genitor, Mihi Frater.

Hæc calamo luctuoso mæstus frater scribebat

Joachimus Calsovius.



## Defuncti Votum

JESUM, qui mea spes, vita & mea sola voluptas  
Exopto, ad JESUM properoq; meum, sine luctu  
Semper cum JESU vivam, laudesq; perenne  
Usque tantam JESU, bene sit tibi per fide mundum  
Sum JESU, JESUS meus est, JESUMq; petiv

Condolentiæ ergo appof.

Joachimus Ribovius.

---

**I**mminet adventus DOMINI, quem ritè paratum

*Invenit hicce dies, æthere diænus erit:*

*Libere dignus erit, qui morte paratus abibit,*

*Adventus etenim mors quoque nomen  
habet.*

*Siccine, CALSOVI, fatis urgentibus, ipso  
Adventûs puncto, non rediturus obis?*

*Non rediturus obis: mandataq; munera linguis,  
Uxorem charam, pignora grata thori?*

*I pede felici, IHOVA nos dante sequamur,  
Reddemus grates proq; labore tuo:*

*Proq; labore tuo, quem CHRISTI Ecclesia cepit,  
Proq; hymnis, poterat quæis decorare chorum,*

*Sed dolco, quod tam subito secedere  
A templo, Natis, cogeris à Vidua;*

*Cogeris*



*Cogeris à Vidua, ah! quæ nunc orbata Marito,  
A natis charis, quiq; parente carent!  
Sistite nunc lachrymas, Lugentes! Namq; su-  
perstes*

*Ipsè DEUS! Vivet: qui moriturus erat;  
Qui moriturus erat, vivet, visusq; fruetur  
Æternum salvus, colloquioq; DEI!*

Tristitiæ contestandæ ergo hoc  
composuit

Petrus **Wilckens** / Stadenf. S.S.  
Theol. & Phil. Stud.





Skanowanie i opracowanie graficzne na CD-ROM :



ul. Krzemowa 1

62-002 Suchy Las

[www.digital-center.pl](http://www.digital-center.pl)

[biuro@digital-center.pl](mailto:biuro@digital-center.pl)

tel./fax (0-61) 665 82 72

tel./fax (0-61) 665 82 82

**Wszelkie prawa producenta i właściciela zastrzeżone.**

**Kopiowanie, wypożyczenie, oraz publiczne odtwarzanie w całości lub we fragmentach zabronione.**

**All rights reserved. Unauthorized copying, reproduction, lending, public performance and broadcasting of the whole or fragments prohibited.**